

ՅԱ. Ի. ԽԱՁԻԿՅԱՆ

ԻՍԹԵՏԻԿԱԿԱՆ ՄՏՔԻ ՊԱՏՄՈՒԹՅԱՆ ԱՌԱՐԿԱՑԻ ԵՎ
ԱՂՐՅՈՒՐՆԵՐԻ ՄԱՍԻՆ

(հաւրցադրման կարգով)

Հետազոտման առարկայի հարցն առաջնակարգ նշանակութիւն ունի դիտական գործունեութեան ամեն մի բնագավառի համար*։ Նրա ճշտումն անհրաժեշտ պարզութիւն է մտցնում գիտութեան համապատասխան ճշդի կարգավիճակի մեջ, բացահայտում նրա սահմանները, նրա տեղն իմացութեան անծայրածիր օվկիանոսում։ Միաժամանակ այդ արտաքինապես հասարակ թվացող հարցը իրականում բավականին բարդ է։ Կարևոր գործոններից են գիտական տվյալների մշտական կուտակումը, պատմական դարաշրջանը, հետազոտողի դիրքորոշումը և այլն։ Առարկայի հարցը, ինքնին, հաճախակի գրավում է նաև առանձին հեղինակների ուշադրութիւնը, որոնք իրենց առջև խնդիր են դնում նոր հիմնավորում տալ այս կամ այն գիտութեան առարկային, երբեմն անգամ այն դեպքերում, երբ այդ հարցը վիճաբանութիւն չի հարուցում։ Վերջապես, առարկայի հարցը կարևոր նշանակութիւն ունի նաև դասավանդման համար։

Դիմելով այս հոգովածի խնդիրներին՝ ասվածին պետք է ավելացնել հետևյալը։

էսթետիկան և նրա պատմութիւնը պատկանում են հասարակագիտական, խիստ գաղափարախոսական, փիլիսոփայական գիտութիւնների թվին, մի բան, որ լրացուցիչ կերպով բարդացնում է այդ առարկայի վերլուծութիւնը ինչպես նրա ներկայիս կեցութիւնում, այնպես էլ պատ-

* Իր բովանդակությամբ այս տարեգիրքը նախկինում հրատարակված «Հայ էսթետիկական մտքի պատմութիւնից» երկու գրքի օրգանական շարունակութիւնն է, փաստորեն՝ այդ շարքի երրորդ գիրքը։

մական տեւանկյունով: Հոգւածի վերնագրով առաջադրված պրոբլեմի լուծման ճանապարհին դժվարութիւն ստեղծող յուրահատուկ գործոն է նաև էսթետիկայի սեփական ճակատագիրը:

Ինչպես հայտնի է, էսթետիկական գիտելիքի արմատները գնում են դարերի խորքը և իրենց իմացնել են տալիս արդեն հնագույն քաղաքակրթութիւնների մշակույթում: Բայց միևնույն ժամանակ նորածնի, այսպես ասած «կնունքը» կատարվեց բավականին ուշ. միայն 1750 թվականին գերմանական ռացիոնալիստ-փիլիսոփա Ալեքսանդր Բաումհարտենը շրջանառութեան մեջ մտցրեց ներկայիս էսթետիկա տերմինը, որը միանգամից արմատներ տվեց և ընդունվեց ամենուրեք: Մինչ այդ էսթետիկական գիտելիքի ոլորտը հանդես էր գալիս կամ անանուն, կամ իրեն հարադատ մեկ ուրիշ և կամ իր էութիւնից շատ հեռու անվանումներով: Մենք կանգ չենք առնում այն բանի վրա, որ Բաումհարտենի կողմից ներմուծված էսթետիկա տերմինն ուներ փոքր-ինչ այլ նշանակութիւն և անցավ էվոլյուցիայի որոշ ուղի, մինչև որ ձեռք բերեց իր ժամանակակից բովանդակութիւնը:

Իհարկե, անվանումների ողջ զանազանութեան պայմաններում տեղի էր ունենում որոշակի զաղափարատեսական այն նյութի կուտակում և հարգացում, որն էլ կազմում է էսթետիկայի հիմքը, նյութ, որը հնարավոր չէ դասել տեսական գործունեութեան որևէ այլ բնագաւառում: Հենց այդ պատճառով էլ, անկախ ճակատագրի բոլոր անակնկալներից՝ ուրիշի անվան տակ կամ անանուն հանդես գալը, էսթետիկական գիտատեսական գործունեութեան հատուկ ոլորտ է եղել, որը և հնարավորութիւն է տվել 1829 թ. Ռուսաստանում Ի. Սրեգնի-Կանաշկին և 1858 թ. Ավետրիայում (Վիեննա) Ռ. Յիմմերմանին հիմք դնել էսթետիկական մտքի պատմութեան ուսումնասիրմանը:

Ինչպես պատահել է բազմիցս, պրակտիկական և ինտուիցիան այս անգամ ևս առաջ անցան տեսութիւնից. էսթետիկայի պատմութիւնը սկսեցին ուսումնասիրել և համակարգել դեռևս նախքան նրա առարկային գիտական բնորոշում տալը: Եվ գնալով ավելի ու ավելի էր մեծանում այդ սահմանման անհրաժեշտութիւնը:

Այդ պատճառով էլ, էսթետիկական մտքի պատմութեան առարկան սահմանելու համար անհրաժեշտ է նախ և առաջ պարզել էսթետիկայի առարկայի կամ, ավելի ճիշտ, էսթետիկայի միասնական առարկայի հարցը: Ամենից տարածված և ընդհանուր սահմանումն ընդգրկում է իրականութեան էսթետիկական ճանաչողութեան և մարդու էսթետիկական գործունեութեան էութեան ու օրինաչափութիւնների ոլորտը: Գոյութիւն ունի այն տեսակետը, որ էսթետիկայի առարկան պատմական

զարգացման ընթացքում փոփոխվում է, որով և պայմանավորվում է սահմանման բարդությունը: Որպես ապացույց բերում են էսթետիկայի դասականների տարբեր սահմանումները, որոնց վրա հենվելով էլ եզրակացնում, որ ներկայումս էլ այդ առարկան լինելիության ընթացքում է, և ցանկացած սահմանում այն ընդգրկում է միայն մոտավորապես:

Սակայն էսթետիկայի առարկայի նկատմամբ նման մոտեցումը էսթետիկայի պատմաբանին դնում է բարդ և հակասական դրույթյան մեջ. նախ, ստացվում է, որ զարբերի ընթացքում շունենալով իր կայուն առարկան, այլ փոփոխվող ինչ-որ մի բան, հետևաբար և տարբեր ժամանակաշրջաններում ունենալով տարբեր առարկաներ, էսթետիկան անկարող է հանդես գալ որպես ամբողջական գիտություն: Երկրորդ, բնական է, որ նման իրավիճակում հնարավոր չի լինի էսթետիկայի պատմությունն ուսումնասիրել որպես հետևողականորեն զարգացող գործընթաց: Եվ վերջապես, համակարծիք լինելով այն տեսակետին, որ էսթետիկայի առարկան լինելիության ընթացքում է, էսթետիկայի պատմաբանն ի վիճակի չի լինի որոշակի տեսանկյունով ներկայացնել այն պատմական պատկերը, ուր առանց այն էլ չեն համընկնում էսթետիկայի առանձին ներկայացուցիչների կողմից էսթետիկայի առարկային տրված սահմանումները:

Մանրամասներով տարվելու, օրինակներ բերելու և մեկնաբանություններ անելու հարկ չկա. ներկա դեպքում դա մեզ կհեռացնի մեր գլխավոր խնդրից: Կարծում ենք, բաղմակողմանի և սկզբունքային վերլուծությունը հնարավորություն կտա ցույց տալու, որ տարբեր տեսաբանների տարբեր սահմանումները կամ տվյալ պրոբլեմի նկատմամբ տարբեր ուղղությունների ու դպրոցների տարբեր մոտեցումները վերջին հաշվով հանգեցնում էին և հանգեցնում են էսթետիկայում հիմնականում նույն նյութի ուսումնասիրմանը: Հասկանալի է, որ դրան նրանք մոտենում են տարբեր կողմերից՝ հաճախ ելնելով արմատապես տարբեր դիրքորոշումներից: Այդ դիրքորոշումների անհամապատասխանությունը, այնուամենայնիվ, հանգեցնում է էսթետիկայի առարկայի մոտավորապես նույն բովանդակության արտացոլմանը, թեև տարբեր ձևերով: Միաժամանակ նշենք, որ էսթետիկայի զարգացմանը և էսթետիկապատմական ուսումնասիրությունների առավել մեծ ծավալմանը համապատասխան՝ տեղի է ունենում հետևյալ երկկողմ գործընթացը:

Մի կողմից էսթետիկական վերլուծության ոլորտ է ներթաշվում այնպիսի նյութ, որը նախկինում, հնարավոր է, չէր գիտակցվում և չէր դիտվում որպես էսթետիկական: Մյուս կողմից, նրա ոլորտից դուրս էր գալիս որպես ոչ էսթետիկական որոշակի նյութ, որը նախկինում, ընդ-

հակառակը, դասվում էր էսթետիկական գիտելիքի շրջանակներում, իբրև այդ ոլորտին ներհատուկ։ Համենայն դեպս, յուրաքանչյուր հեղինակ ելնում է և՛ էսթետիկայի, և՛ էսթետիկայի պատմության ոչ միայն սեփական ըմբռնումից, այլև այդ հասկացությունների՝ գոյություն ունեցող և իրեն ժամանակակից սահմանումներից։ Եվ դա միանգամայն ճիշտ է, քանի որ անցյալի հարցերի ուսումնասիրման ժամանակ պետք է ելնել տրվյալ տերմինի հետ կապվող այսօրվա իմաստից։ էսթետիկական գիտության դարգացման այսօրվա մակարդակն օգնում է հասկանալ և բացահայտել անցյալի նյութը, և՛ վերակառուցել էսթետիկական գիտելիքի ընթացման ընթացքը։

Եթե փորձենք հանրագումարի բերել գոյություն ունեցող նյութը, շփանրաբեռնելով շարադրանքը էսթետիկայի (և էսթետիկականի) տարբեր բնորոշումների թվարկումով, ապա մեր առջև պարզորոշ կառանձնանան սահմանումների երկու միմյանց հակադիր խմբեր, որոնք համապատասխանաբար սկիզբ են առնում փիլիսոփայության հիմնական հարցի մատերիալիստական և իդեալիստական լուծումներից։

Այդ սահմանումների հիմքում ընկած է օբյեկտի և սուբյեկտի էսթետիկական առնչությունների հարցը։ Չենք պնդում, որ էսթետիկայի առարկայի (կամ ավելի ճիշտ, նրա հնարավոր սահմանների) վերոնշյալ տարածված սահմանումը կատարյալ է և վերջնական, սակայն նրանում եռլնելուս առաջ է քաշվում օբյեկտի և սուբյեկտի, իսկ ավելի լայն առումով՝ մատերիալի և գիտակցության նույն հիմնահարցը։

Այնուհետև։ Բացահայտվում է էսթետիկական գիտելիքն ազգակից այլ քննազավառներից առավելագույնս սահմանազատելու միտումը (ուղղություններից յուրաքանչյուրի շրջանակներում)՝ սահմանումների մեջ ամփոփված հատկանիշների միաժամանակյա ճշգրտամամբ ու հղկմամբ։

Այսպիսով, ճշգրտելով էսթետիկայի միասնական առարկայի հարցը և ելնելով դրանից՝ էսթետիկայի պատմաբանը հնարավորություն է ստանում մի էակյան դիտակետից էլ լուսաբանելու էսթետիկայի դարգացման ողջ ընթացքը իր բազմազանության, փոփոխությունների ու մեկնաբանությունների, ուղղությունների, կոնցեպցիաների, տեսակետների փոփոխման ու զարգացման, ուսումնասիրվող նյութի ընդլայնման ու խորացման մեջ և այլն։

Այժմ անդրադառնանք պատմաէսթետիկական ուսումնասիրությունների որոշ կողմերի ընդհանուր բնութագրմանը։

Ուշագրություն են գրավում պատմաէսթետիկական գրականության մեջ տերմինաբանության տարբերությունները, Հանդիպում են հրատարակված ուսումնասիրությունների հետևյալ վերնագրերը՝ «էսթետիկայի

պատմութիւն», «էսթետիկական մտքի պատմութիւն», «էսթետիկական ուսմունքների պատմութիւն»²:

Բոլոր երեք ասպեկտներն էլ գոյութիւն ունեն: Բայց բանն այն է, որ հրատարակած աշխատութիւնները իրենց բովանդակութեամբ չափազանց մոտ են, եթե չասենք, որ երբեմն անգամ նույնական. նրանցում, որպէս կանոն, ուսումնասիրվում է միևնույն նյութը՝ միևնույն լուծումով: Այդ ժանրային անորոշութեան և անձնութեան հաղթահարման համար, կարծում ենք, պետք է փորձել ճշտել վերնագրերից յուրաքանչյուրի բովանդակութիւնը:

Վերոնշյալ վերնագրերից վերջինը, մեր կարծիքով, առավել նեղացված է, քանի որ ուսումնասիրողի ուշադրութիւնը սահմանափակում է միայն այն նյութով, որն ամփոփված է Ուսմունքի բարձր մակարդակին հասած արդեն ավարտված կոնցեպցիաների շրջանակներով: Եթե խստագոյնս առաջնորդվենք վերնագրով, ապա էսթետիկորեն նշանակալի մնացած ողջ նյութը պետք է տվյալ աշխատանքից դուրս մնա: Իսկ եթե բուն ուսմունքներից բացի արտացոլվեն նաև էսթետիկայի բնագավառի այլ երևութներ ու փաստեր (ինչ և իրականում դիտվում է), ապա նման աշխատանքների բովանդակութիւնը առաջարկվող վերնագրից ավելի լայն կլինի:

«էսթետիկայի պատմութիւն» վերնագիրն ավելի հարմար է այն աշխատանքներին, ուր ուսումնասիրվում է էսթետիկական գիտութեան (էսթետիկայի, որպէս գիտութեան, ստատուս ձեռք բերած ինչ-որ բանի) պատմութիւնը: Ինչ խոսք, նման աշխատանքներում համապատասխան տեղ կզբաղեցնեն նաև էսթետիկական ուսմունքները և ոչ միայն դրանք, այլև այն ամբողջ կոնցեպցիոն, հասկացողական գործիական նյութը, որն ընդգրկում է էսթետիկա հասկացութիւնը որպէս գիտութիւն (մենք կանգ չենք առնում էսթետիկա տերմինի վրա, որ ամենուր կիրառվում է յուրաքանչյուր պատմական ժամանակաշրջանում, յուրաքանչյուր երկրում գործող էսթետիկական գիտելիքների համակարգված շարադրանքը նշելու համար):

Վերջապէս երրորդ վերնագիրն ավելի տարողունակ է և այդ առումով հնարավորութիւն է տալիս ուսումնասիրութեան ոլորտն ընդգրկել էսթետիկայի տեսական բնութիւն ցանկացած փաստեր ու երևութներ, այդ թվում նաև էսթետիկական ուսմունքները և էսթետիկական գիտութեան բաղկացուցիչ մասերը, առանց վերջիններս ուժեղացնելու կամ ողջ վերլուծութիւնը դրանց հանգեցնելու: Այդ վերնագիրը նաև ամենից հարմարն է առանձին երկրի կամ ժողովրդի պատմաէսթետիկական նյութ-

թի վերլուծութեան ու շարադրման (համեմայն դեպս՝ սկզբնական) համար:

Խոսելով այս ամենի մասին՝ չի կարելի ընդգծել «էսթետիկական մտքի պատմութիւն» և «էսթետիկայի պատմութիւն» վերնագրերի մոտիկութիւնը, որոնք առանձին դեպքերում (ամեն անգամ հատուկ վերապահումով) կարող են առանց նկատելի վնասի որպէս հոմանիշներ գործածվել մեկը մյուսի փոխարեն, ընդ որում՝ ավելի շուտ առաջինը երկրորդի փոխարեն, քան հակառակը:

Բացի վերնագրերի բազմազանութիւնից, պատմաէսթետիկական նյութի շարադրման ժամանակ դիտվում է ևս մեկ, առավել էական խախտում: Ծավոք սրտի, հրատարակված մի շարք աշխատութիւններում, անկախ նրանց վերնագրերից, խախտվում է ուսումնասիրութեան առարկան, և շարադրվում է, ըստ էութեան, էսթետիկական գիտակցութիւնը, նրա պատմութիւնը, որը ներկայանում է իբրև հրապուրիչ, սակայն խիստ համապարփակ ու զլորալ և, որ կարևոր է, անորոշ մի խնդիր, որի վերլուծութեանը գիտութիւնը կարող է մոտենալ էսթետիկական գիտակցութեան ընդգրկած բոլոր բնագավառների, ոլորտների ու բաղկացուցիչ մասերի նախնական համակողմանի վերլուծութիւնից հետո միայն: Նմանօրինակ աշխատանքներում շփոթվում են էսթետիկայի (էսթետիկական մտքի, էսթետիկական կոնցեպցիաների և այլն) և էսթետիկական գիտակցութեան (որի մի մասն է հանդիսանում և որը տեսականորեն իմաստավորում է հենց ինքը՝ էսթետիկան) սահմանները՝ ի վնաս թե՛ առաջինի և թե՛ երկրորդի լիարժեք վերլուծութեան:

Փոքր-ինչ ավելի մանրամասն կանգ առնենք այս հարցի վրա, քանի որ այն ներկայանում է որպէս սկզբունքորեն կարևոր հարց, որովհետև դեպի էսթետիկական գիտակցութիւն թեքվում են շատերը, ընդ որում և նրանք, ովքեր բացեիքաց հռչակում են նման մոտեցումը, և նրանք, ովքեր այդ անում են լռելյայն՝:

էսթետիկայի պատմութեան վերաբերյալ այն միտքն է արտահայտվել, որ այն կարելի է երկակի հասկանալ. մի կողմից՝ որպէս էսթետիկական գիտակցութեան պատմութիւն, մյուս կողմից՝ էսթետիկայի՝ որպէս գիտութեան պատմութիւն:

Այն հանգամանքը, որ մինչև այժմ փաստորեն չի եղել համաշխարհային էսթետիկայի պատմութիւն, որպէս էսթետիկական գիտակցութեան պատմութիւն, այսինքն՝ որպէս մարդու գործունեութեան տարբեր ոլորտներում իրացվող էսթետիկական սկզբունքների պատմութեան ուսումնասիրման փորձ, ինչ խոսք, բնավ էլ ծանրակշիռ ապացույց չէ պնդելու համար այն, որ իբր ընդհանրապէս անհնար է ստեղծել նման-

օրինակ պատմութիւն: Սակայն հայտնի է, որ արվեստների պատմութիւնը, արտադրութեան էսթետիկայի, բարքերի էսթետիկայի պատմութիւնը, մշակութի դարգացումը էսթետիկական կտրվածքով եղել են ինչպես առանձին արվեստների, այնպես էլ մնացած ոլորտներին համապատասխան պատմութիւնների ուսումնասիրման առարկան: Այժմ առաջ է քաշվում այն հարցը, որ դրանք՝ մարդու գործունեութիւնը թափանցող էսթետիկական երևութները, էսթետիկական համապարփակ գիտակցութեան նյութ դառնան, որը և պետք է հանդես գա որպես էսթետիկական գիտակցութեան պատմութիւն և ոչ թե էսթետիկական մըտքի պատմութիւն, որը, ի միջի այլոց, առաջինի բաղկացուցիչ մասերից մեկն է: Ուստի, եթե հարցը հստակ դրվի, ապա էսթետիկայի պատմութեան բաժանման վերոնշյալ սկզբունքը ենթադրում է նախ էսթետիկայի՝ որպես գիտութեան ուսումնասիրութիւն և երկրորդ՝ նույն էսթետիկայի՝ որպես գիտութեան առավել ընդլայնված ուսումնասիրութիւն. առավել ընդլայնված, քանզի այս դեպքում արդեն ավելանում են էսթետիկական գիտակցութեան մյուս բաղկացուցիչ մասերը:

Հետևաբար, այսպես թե այնպես, էսթետիկական կոնցեպցիաների և համապատասխանաբար էսթետիկական կատեգորիաների ու հասկացութիւնների պատմութիւնից բացի, նմանօրինակ պատմութեան մեջ պետք է ուսումնասիրվեն նաև արվեստի պատմութիւնը, մարդկութեան գործունեութեան այն կողմերն ու հատկանիշները, որոնք առնչվում են էսթետիկական երևութների հետ: Մի խոսքով դա պետք է լինի էսթետիկականի դրսևորումների յուրօրինակ ընդհանրացված (սինթետիկ) պատմութիւն: Սովետական գիտութեան մեջ արվեստների ընդհանրացված (սինթետիկ) պատմութիւն ստեղծելու փորձ արվել է: Այդպիսին է, օրինակ, Իերեմիա Իոֆֆեի գիրքը՝ Եթե նույնիսկ նման փորձերն անթերի ու կատարյալ համարենք, այնուամենայնիվ, չի կարելի պնդել, որ էսթետիկական գիտակցութեան պատմութեան ուսումնասիրութեան ուղղութեամբ արդեն կատարվել է որոշակի աշխատանք, որի վրա կարելի է հենվել:

Որքանով է ներկայումս ռեալ և նպատակահարմար այդպիսի պատմութեան ստեղծումը, ինչպիսի տարակուսանքներ են առաջանում նման հարցադրման դեպքում կամ ինչպիսի ճշգրտումների կարիք է զգում վերջինս՝ այս ամենը մի կողմ թողնենք: Անհրաժեշտ ենք համարում ընդգծել լոկ այն, որ մի բան է էսթետիկայի՝ որպես գիտութեան պատմութիւնը, որն իրենից ներկայացնում է տեսութիւնների, ուսմունքների, կատեգորիաների, հասկացութիւնների պատմութիւն, մի խոսքով, տեսականորեն ձևավորված հայացքների պատմութիւն, և բոլորովին այլ

քան է էսթետիկականի դրսևորումը մարդու գործունեության տարբեր ընագավառներում: Ե՛վ մեկի, և՛ մյուսի ուսումնասիրությունը տարբեր մոտեցումներ է պահանջում: Թե ինչպես պետք է միավորվեն մի ամբողջի մեջ մեկը և մյուսը, ներկայումս դժվար է պատկերացնել, դժվար է այդ կապակցությամբ գործնական հանձնարարականներ տալ: Ե՛վ շնայած դրան, պետք է խստիվ տարբերակել էսթետիկական մտքի պատմությունը էսթետիկական գիտակցության պատմությունից, միաժամանակ պետք է ընդգծել, որ այդ հարցի շուրջը մտքերի փոխանակությունն օգտակար կլինի: Միևնույն ժամանակ դժվար է կանխորոշել, թե ինչպիսի տեղ կգրավեն բուն էսթետիկական մտքի լուսաբանումը և մնացած օժանդակ նյութը, ինչպես պետք է համակարգվեն էսթետիկական գիտակցության տարբեր կողմերը, էսթետիկական գործունեության տարբեր ձևերը և այլն:

Սակայն կարելի է որոշակիորեն ասել, որ չկա էսթետիկական մտքի պատմության այնպիսի շարադրանք, ուր այս կամ այն չափով, այս կամ այն ձևով տեղ գտած չլինեն էսթետիկական գիտակցության և էսթետիկական գործունեության տարբեր կողմերը: Կարևորն այն է, որ նման նյութը միշտ կիրառվել է որպես լրացուցիչ, երկրորդական՝ տրվյալ պահին լուսաբանման համար անհրաժեշտ նյութ, առանց որի էսթետիկական տեսության պատմության տվյալ բաժնի ուսումնասիրությունն ամբողջական չի լինի: Բայց որոշիչ դերը միշտ տրվել է էսթետիկական տեսությանը: Տեղին է հիշեցնել, որ էսթետիկական մտքի պատմության ուսումնասիրության մեջ մեծ տեղ են գրավել նաև այն գիտությունների որոշ կողմերն ու գծերը, որոնց հետ անմիջականորեն կապված է եղել էսթետիկական կամ որոնց հովանու տակ զարգացել է վերջինս:

Մեր կարծիքով, էսթետիկական մտքի պատմության առարկան պետք է լինի իրականության մեջ էսթետիկականի մասին, աշխարհի էսթետիկական ճանաչողության և մարդու էսթետիկական գործունեության էության ու ընդհանուր օրենքների մասին որպես տեսական գիտելիքների ոլորտ դիտվող էսթետիկական՝ վերցված իր պատմական զարգացման մեջ: Նման մոտեցման դեպքում էսթետիկական միտքը չի սահմանափակվի մի կողմից սոսկ արվեստի գործառության և զարգացման ընդհանուր օրենքների ուսումնասիրությամբ (թեև հենց դրանց ուսումնասիրմանն է երբեմն առավելություն տրվում էսթետիկայում), մյուս կողմից էսթետիկական մտքի պատմությունը չի դիտվի որպես էսթետիկական գիտակցության պատմություն, քանի որ վերջինս ավելի լայն է և իր մեջ ներառում է նաև արվեստի պատմությունը, մարդկության գեղարվեստա-

կան զարգացման պատմութիւնը: Էսթետիկական կոնցեպցիաների, կատեգորիաների, պատկերացումների և հասկացութիւնների ձևավորումն ու զարգացումը պետք է դառնան էսթետիկական մտքի պատմութիւնն ուսումնասիրման առարկան: Ոչ թե էսթետիկական գիտակցութիւնն պատմութիւնը, այլ էսթետիկական գիտակցութիւնն էսթետիկատեսական ընդհանրացումն է էսթետիկայի պատմաբանի ուշադրութիւնն առարկան:

Ասվածը հիմք է ծառայում աղբյուրների հարցի լուծման համար: Իհարկե, որպէս էսթետիկական մտքի պատմութիւն հիմնական աղբյուր պետք է նախ և առաջ դիտվեն էսթետիկական բնութիւն տեսական աշխատանքները: Բայց քանի որ ինքը՝ էսթետիկական միտքը, երկար ժամանակ հանգես էր գալիս գիտելիքի այլ բնագավառների հետ անբաժանելի միասնութիւն մեջ կամ նրանց հովանու տակ, հետևաբար էսթետիկայի պատմութիւնն ուսումնասիրութիւնն հուսալի, երբեմն էլ միակ աղբյուր կարող են լինել փիլիսոփայական, արվեստագիտական, հոստորական, գեղարվեստական, քննադատական և այլ աշխատութիւնները այն դեպքերում, երբ դրանցում կա էսթետիկական նյութ: Միջնադարի էսթետիկական մտքի պատմութիւնն ուսումնասիրման գործում կարող են օգտակար լինել նաև աստվածաբանական գործերը, հատկապէս գեղեցիկի և էսթետիկական մի շարք այլ կատեգորիաների էութիւնն կրօնա-իդեալիստական ըմբռնման քննադատական բնութագրման համար: Կարևոր աղբյուր են նաև արվեստի գործիչների տեսական աշխատութիւնները, գրախոսականները, ելույթները, հոգովածները, ինչպէս նաև էպիստոլյար ժառանգութիւնը, հուշերը, օրագրերը և այլն:

Մենք վճռականորեն դեմ ենք արվեստը, որպէս այդպիսին, էսթետիկական մտքի պատմութիւնն օրյեկտ դիտելուն: Այդ դեպքում շնչվում է արվեստի պատմութիւնն և էսթետիկայի պատմութիւնն միջև եղած սահմանը: Իհարկե, գեղարվեստական ստեղծագործութիւններում էսթետիկական հայտնի սկզբունքները ներկայացվում են միջնորդավորված, մարմնանում են պատկերավոր ձևի մեջ և ցանկութիւնն դեպքում կարող են առանձնացվել ու մեկնաբանվել: Բայց դա էսթետիկական մտքի պատմութիւնն հետ ուղղակի առնչութիւն չի ունենա, քանի որ նախ՝ հագիվ թե գտնվի որևէ գեղարվեստական ստեղծագործութիւն, որն իր վրա չկրի այս կամ այն էսթետիկական համակարգի կամ կոնցեպցիայի կնիքը, և երկրորդ՝ արվեստագետի էսթետիկական հավատամքի բացահայտումը (որը մարմնավորված է նրա ստեղծագործութիւնն մեջ և նրա էութիւնն է կազմում) գրականագիտութիւնն և արվեստագիտութիւնն խնդիրներից է: Սակայն էսթետիկական մտքի պատմութիւնը հետաքրքրում է ոչ թե ինքը՝ արվեստը, այլ միտքն արվեստի մասին, նրա էութիւնն ու զար-

գացման իմաստավորումն ու ընդհանրացումը: Այդ պատճառով էլ գեղարվեստական ստեղծագործությունը կարող է օգտագործվել որպես էսթետիկական մտքի պատմության աղբյուր ոչ թե ինքնին, այլ միայն այն դեպքում, երբ նրանում ուղղակիորեն առկա են արվեստի մասին հեղինակի դատողությունները, այսինքն՝ ըստ էության տեսական բնույթի նյութ՝ ներհուսված գեղարվեստական ստեղծագործության բովանդակության մեջ, որը հաճախ հանդես է գալիս ինքնուրույնաբար ու կարող է հեշտությամբ անջատվել գեղարվեստական համատեքստից և ուսումնասիրվել որպես հեղինակի տեսական դատողություն: Այդպիսիք են, օրինակ, Ռաբլեի, Սերվանտեսի, Շեքսպիրի գեղարվեստական ստեղծագործություններից քաղված հատվածները, որոնք տեղ են գտել «էսթետիկական մտքի պատմության հուշարձանների» 1-ին հատորում:

Աղբյուրների նման ընտրության դեպքում հնարավոր կլինի բացահայտել էսթետիկական մտքի պատմության զարգացման, ինչպես նաև տարբեր կոնցեպցիաների առաջացման ու անկման պատճառների ներքին օրինաչափությունները:

Խոսելով այդ մասին, մենք ոչ միայն չենք բացառում, այլև, ընդհակառակը, հնարավոր ենք համարում արվեստի պատմության և էսթետիկական մտքի պատմության միջև եղած փոխհարաբերությունների բացահայտումը, սակայն սոսկ նրա ընդգծման և հարստացման, բայց ոչ նենգափոխման նպատակով:

Իսկ ինչպիսի՞ հարցեր են ծագում, ի լրումն ասվածի, էսթետիկական մտքի պատմության զարգացումը Հայաստանում ուսումնասիրողի առաջ:

Եթե հաշվի չառնենք XIX դարի վերջի և XX դարի սկզբի մի շարք հեղինակների աշխատություններում առկա պատմաէսթետիկական բնույթի մեկուսի և հազվադեպ դիտողությունները, ապա նախահեղափոխական շրջանի առաջին գործը, որտեղ հեղինակը անդրադարձել է նաև հայ էսթետիկական մտքի լուսաբանմանը, հայ Մխիթարյան միաբանության անդամ Ս. Երեմյանի «Գրականության պատմությունը և գեղեցիկը» գիրքն է⁵. այն ներկայացնում է XIX դարի հայ մշակույթի մի շարք գործիչների հայացքները: Շարադրանքը տարվում է համաշխարհային արվեստի և գրականության պատմության լայն ֆոնի վրա: Թեև գիրքն առանձնապես աչքի չի ընկնում տեսական խորությամբ, իսկ էսթետիկական նյութը տրվում է գլխավորապես գրականության պատմության առնչությամբ, այնուամենայնիվ այն հետաքրքրական է որպես Հայաստանում էսթետիկական մտքի պատմության ամենահարուստ շրջաններից մեկի լուսաբանման առաջին փորձ:

Հայ էսթետիկական մտքի բուն պատմության գիտական ուսումնասիրությունը սկսվել է միայն հեղափոխությունից հետո: Հենց այդ ժամանակ այն դարձավ ինքնուրույն ուսումնասիրության առարկա: Ներկայումս արդեն այդ հարցի վերաբերյալ կա հարուստ գրականություն, ուր վերլուծվում են առանձին պատմական ժամանակաշրջանների, առանձին հեղինակների էսթետիկական հայացքները: Ուսումնասիրողների այդ մեծ ցուցակում առաջինը պետք է նշել սովետական նշանավոր էսթետ Ա. Ա. Ադամյանի անունը, որի «Միջնադարյան Հայաստանի էսթետիկական հայացքները» աշխատությունն իրավամբ կարող է օրինակ ծառայել բոլոր նրանց համար, ովքեր մտադիր են անդրադառնալ հայ էսթետիկական մտքի պատմության ուսումնասիրմանը: Ընդհանուր բնույթի աշխատանքներից պետք է հիշատակել Գ. Զ. Ապրեսյանի «Հայ էսթետիկական մտքի պատմությունից» երկհատոր գիրքը և «Հայաստանում էսթետիկական մտքի դարգացման ակնարկ» կոլեկտիվ մենագրությունը:

Ենթադրում ենք, որ հարցի մշակման տվյալ փուլում առավել հարմար է «Հայաստանում էսթետիկական մտքի պատմությունը» վերնագիրը, որը հնարավորություն է տալիս հավաքել և ընդհանրացնել էսթետիկական ողջ նյութը, որն առայժմ շատ քիչ է ուսումնասիրված և լի է բացերով ու չհետազոտված կողմերով:

Անուհետև: Նյութի շարադրման ժամանակ, ըստ երևույթին, պետք է կիրառվեն նաև տիպարանական և պատմահամեմատական մոտեցումներ: Հայկական նյութը, որպես ռեգիոնալ, պետք է մատուցվի էսթետիկական մտքի պատմության համընդհանուր գործընթացի հետ իր կապերով, որն իր հերթին պայմաններ կստեղծի հետազայում էսթետիկայի դարգացման ընդհանուր գործընթացը ներկայացնել՝ նաև հայկական նյութի օգտագործումով:

Մեթոդաբանական առումով հայ էսթետիկական մտքի պատմության ուսումնասիրության ընթացքում անհրաժեշտ է հաշվի առնել և բացահայտել Արևելքի և Արևմուտքի միջև հարաբերությունները Հայաստանի գաղափարախոսական կյանքում, որի մասին մասնավորապես խոսում է ակադ. Բ. Մ. Կեղրովը իր «Գիտությունների դասակարգումը» աշխատությունում՝ փիլիսոփայության պատմության մեջ հայ փիլիսոփա Դավիթ Անհաղթի աշխատությունների նշանակության վերլուծության կապակցությամբ: Բ. Մ. Կեղրովը ցույց է տալիս, որ VII դարում Հայաստանում իրականացվում էր երկու կարգի շփում. մի կողմից՝ տարբեր մշակույթների կապը ժամանակի մեջ (անտիկ դարաշրջանի մշակույթի, արաբական միջնադարի և հատկապես Վերածննդի դարաշրջանի մշա-

կույթների միջև), մյուս կողմից՝ տարածության մեջ (Արևելքի և Արևմուտքի երկրների մշակույթների միջև): Աշխարհի տարբեր մասերի, Արևելքի և Արևմուտքի մշակույթների կապի և հաջորդականության գաղափարը և այդ գործընթացում Հայաստանի դերն իրենց բազմակողմանի լուսաբանումը գտան մասնավորապես Վ. Կ. Զալոյանի «Արևելք-Արևմուտք» աշխատությունում:

Անցյալում հայ ժողովրդի ճակատագրի երբեմն շատ ողբերգական դեպքերի պատճառով նրա մեծ զանգվածներն իրենց ֆիզիկական գոյությունը պահպանելու նպատակով հարկադրված էին թողնել հայրենիքը և սփռվել աշխարհով մեկ: Բայց հայկական Սփյուռքը երբեք չէր խզում իր գաղափարական կապերը հայրենիքի հետ, մոռացության չէր մատնում նրան: Աշխարհի տարբեր երկրների բնակեցման վայրերում շարունակվում էր ինտենսիվ հոգևոր կյանքը, ավելին՝ առանձին ժամանակահատվածներում առավել կարևոր հոգևոր արժեքները ստեղծվում էին հենց այնտեղ: Այդ պատճառով էլ հայ ժողովրդի էսթետիկական մտքի պատմությունն ընդգրկում է բավականին լայն, աշխարհագրական առումով ընդարձակ ոլորտ՝ բուն, պատմական Հայաստանը և Սփյուռքը:

Սփյուռքում հասարակական-քաղաքական մտքի զարգացումը հենվում էր ոչ միայն ազգային ավանդույթների վրա, այլև իրականացվում էր այս կամ այն երկրի գաղափարական կյանքի հետ ակտիվ փոխհարաբերությունների պայմաններում: Ուստի Հայաստանում էսթետիկական մտքի պատմության ուսումնասիրության ժամանակ մեծ նշանակություն է ստանում այլ երկրների ու ժողովուրդների մշակույթների հետ այդ մտքի բազմազան կապերի ու փոխազդեցությունների բացահայտումը:

Եվ այստեղ հատուկ տեղ է պատկանում ուսու ժողովրդի դեմոկրատական մշակույթի հետ ունեցած հարաբերություններին, որի բարերար ներգործության ներքո մոտ երկու դար է, ինչ իրականացվում է հայ մշակույթի զարգացումը: Այդ մշակութային կապերի համակողմանի լուսաբանումը Հայաստանում էսթետիկական մտքի պատմության ուսումնասիրության խնդիրներից մեկն է:

Վերջապես, ևս մեկ կարևոր մեթոդաբանական դրույթ: Քրիստոնեական գաղափարախոսության տիրապետության պայմաններում, ընդհուպ մինչև XIX դարի կեսը (այսինքն՝ մինչև հայ հեղափոխական-դեմոկրատ Մ. Նալբանդյանի աշխատությունները), Հայաստանի էսթետիկական մտքի պատմության մեջ մատերիալիստական ուղղություն չէր ձևավորվել: Սակայն դա չպետք է հանգեցնի իդեալիստական բնույթի աշխատանքների արհամարհմանը և թերազնահատմանը: Առաջին՝ դրանք պետք են հենց իդեալիստական էսթետիկայի բնութագրման և քննա-

դատական վերլուծության համար, Երկրորդ՝ Հայաստանում, ինչպես շատ այլ երկրներում, էսթետիկայի հարցերի դրական (պոզիտիվ) մշակումը երկար ժամանակ իրականացվում էր իդեալիզմի սահմաններում կամ նրա քողի տակ: Երրորդ՝ հասարակական գիտակցության զարգացման բարդությունն արտահայտվել է մասնավորապես և այն բանում, որ իդեալիստական բնույթի աշխատություններում կամ հեղինակների մոտ մենք հաճախ հանդիպում ենք էսթետիկայի հարցերի, ըստ էության, մատերիալիստական բնույթի մեկնաբանությունների:


Վերջում կուզեինք ասվածի լույսի ներքո անդրադառնալ էսթետիկայի (և էսթետիկականի) համար հայերեն գեղագիտություն տերմինի անբավարար և, վերջին հաշվով, ոչ ճշգրիտ լինելուն, տերմին, որ մեկնաբանվում է դեռևս Ն. Գ. Զերնիշևսկու ժամանակներից մերժված միտման ոգով, որը էսթետիկական հանգեցնում է գեղեցիկի մասին ուսմունքին՝ մոռացության մատնելով էսթետիկայի այլ, իրենց ծավալով գեղեցիկի պրոբլեմը զգալիորեն գերազանցող բազմաթիվ հարցեր: Այդ իմաստով գեղագիտություն տերմինը մեզ տանում է դեպի էսթետիկայի երեկվա օրը: Բայց հայտնի է, որ XIX դարի և XX դարի սկզբի հայ բազմաթիվ գործիչներ չեն խորշել էսթետիկա տերմինից և հաճույքով գործածել են այն: Այդ տերմինը համապատասխանում է ժամանակակից գիտական պահանջներին, էսթետիկայի՝ որպես գիտության բնագավառի իրական բովանդակությանը, և նրա օգտագործումից հրաժարվելը ոչնչով չի արդարացվում:

Я. И. ХАЧИКЯН

О ПРЕДМЕТЕ И ИСТОЧНИКАХ
ИСТОРИИ ЭСТЕТИЧЕСКОЙ МЫСЛИ
(к постановке вопроса)

Резюме

Вопрос о предмете исследования имеет первостепенное значение для любой области научно-теоретической деятельности. Определение предмета истории эстетической мысли связано с соответствующим пониманием предмета эстетики. Как по первому, так и по второму вопросу в литературе встречаются самые разнообразные определения и суждения. Задача состоит в том, чтобы, опираясь на современный уровень развития эстетики, дать достаточно точное и емкое определение предмета истории эстетической мысли.



В последней части статьи в связи с предметом истории эстетической мысли рассматривается вопрос об источниках изучения ее истории.

¹ ՏՆ՝ս Հայ էսթետիկական մտքի պատմությունը, Հետազոտությունների ժողովածու, Երևան, գիրք 1, 1974, գիրք 2, 1976:

² ՏՆ՝ս И. Л. Маца, История эстетических учений. М., 1962; М. Ф. Овсянников, З. В. Смирнова. Очерки истории эстетических учений. Издательство АХ СССР, М., 1963; Лекции по истории эстетики. Под редакцией профессора М. С. Каганя. Л., 1973, книга 1 (в трех томах): М. Ф. Овсянников. История эстетической мысли. М., 1984.

³ Այսպես, ի. Յա. Զիվելչինսկայան գրում է, որ էսթետիկայի պատմությունը «պետք է լինի էսթետիկական գիտակցության, այլ ոչ թե առանձին էսթետիկական տեսությունների պատմություն»:

(Л. Я. Зивельчинская, Опыт марксистского анализа истории эстетики, 1928): նույն ընդարձակված ձևով նև գրում է էսթետիկայի պատմության առարկան Գիլըրտսոն ու Կունը (տե՛ս К. Гильберт, Г. Кун. История эстетики. М., 1960):

⁴ И. Иоффе. Синтетическая история искусств. Л., 1933.

⁵ Ս. Երևմյան, Գրականության պատմությունը և գեղեցիկը, Վենետիկ, 1915: